

洗冤錄全纂



洗冤錄全纂卷四

目錄

急救方

救縊死

治刀傷

救中暈

救魘

救驚斃

救跌壓傷

治癲狗傷

救溺死

救湯火傷

救凍死

救中惡

救撲打猝死

治蛇蟲傷

救服毒中毒方

解砒霜

解鼠莽毒

解巴豆毒

解葭蓉毒



解苦杏仁毒

治菌毒

解毒草

解射岡毒

救服瀉

解藥蠱金石毒

解煤薰毒

解斷腸草方

解斑猫茺青毒

解胡蔓草

解草烏頭毒

解輕粉冰片毒

治吞金

解水銀入耳

解飲饌毒

治蠱毒及金蠶蠱

辟穢方

三神湯

蘇合丸方

辟穢丹



南京中醫藥大學圖書館藏

洗冤錄全纂卷四

急救方

救縊死

不絕其繩而從容放
解則氣不驟泄踏肩
提髮而撚整喉嚨使
氣得舒貫磨擦其胸
腹臂足使氣得運行
尤須棉軟裹繫大小
便則氣無他溢自從
口內出又用官桂湯
粥飲并筆吹耳以通
順其氣自得救活當
與下數節參合行之

凡縊從早至夜雖冷亦可救從夜至早稍難若心不
溫一日以上猶可救不得截繩但緩緩抱解放臥令
一人踏其兩肩以手提其髮常令緊不可使頭垂下
一人微微撚整喉嚨以手擦胸上散動之一人磨擦
臂足屈伸之若已僵但漸漸強屈之又按其腹如此
一飯久卽氣從口出得呼吸眼開甦醒後又以官桂



湯及粥飲與之令潤咽嚨更令二人以筆管吹其耳內若依此救無不活者

官桂湯

廣陳皮

八分

厚朴

一錢

肉桂

五分

製半夏

一錢

乾薑

五分

甘草

三分

又法緊用手舂其口勿令通氣兩時許氣急即活

又法用皂角細辛等分爲末如大豆許吹兩鼻孔

又法用真野山羊血二三分研極細以好酒灌下立

活

與首節參合行之

雞冠血滴入喉鼻之
內凡跌打縊溺心頭
熱者俱可用

又法凡男女縊死身雖僵定尙可救活不可割斷繩
索抱起解下安放平坦處所仰面朝上頭要扶正先
將手足慢慢曲灣然後將大小便用棉軟之物塞緊
不令泄氣用一人坐於頭前兩腳踏其肩揪住頭髮
將縊人之手拉直令喉項通順再用二人將細筆筒
或葦筒入耳內不住口吹氣不住手撫摸其胸前用
活雞冠血滴入喉鼻之中男左女右男用公雞女用
母雞刻下卽能甦活如氣絕時久照前救法務要多
吹多摸勿謂已冷忽畧不救

附考

乾隆四十八年五月二十九日浙江富陽縣民何盛榮妻蔣氏自縊解救因不如法捏咽喉上氣管仍是閉塞不通又不磨擦屈伸手足仍然血脉凝滯延至六月初二日身死

救溺死

水溺一宿者尙可救搗皂角以綿裹納下部內須與出水卽活或屈死人兩足著人肩上以死人背貼生人背擔走吐出水卽活

救溺水諸方總以出水爲主緣氣被水閉水漸出則氣漸通矣

又法先打壁泥一堵置地上却以死者仰臥其上更以壁土覆之止露口眼自然水氣噏入泥間其人遂

熟字疑卽熟字之訛

甦雖身僵氣絕用此法亦可救

又法炒熟砂覆死人面上下著砂只留出口鼻砂冷濕又換數易卽甦

又醋半盞灌鼻中

又綿裹石灰納下部巾水出卽活

又倒懸以好酒灌鼻中及下部

又倒懸解去衣去臍中垢令兩人以筆管吹其耳

又急解死人衣服於臍上灸百壯

又撈起時急急將口撬音開橫啣筋一隻使可出水



以竹管吹其兩耳碾生半夏末吹其鼻孔皂角末置
管中吹其穀道如係夏月將溺人肚皮橫覆牛背之
上兩邊使人扶住牽牛緩緩行走腹中之水自然從
口中並大小便流出再用生薑湯化蘇合丸灌之或
生薑汁灌之若無牛以活人覆臥躬腰令溺人如前
將肚腹橫覆於活人身上令活人微微動搖水亦可
出若一時無牛兼活人不肯拯救或鍋一口將溺人
覆於鍋上亦可如係冬月急將濕衣解去爲之更換
一面炒鹽用布包熨臍一面厚鋪被褥取竈內不著

草灰多多鋪於被褥之上令溺人覆臥於上臍下墊以綿枕一個乃以草灰將渾身厚蓋之灰上再加被褥不可使灰暈於眼內其撬口啣筋灌蘇合生薑湯吹耳鼻穀道等事俱照夏天法冬天甦醒後宜少吹溫酒夏天宜少飲粥湯按灰性煖而能拔水凡蠅溺水死者以灰埋之少頃卽活此明驗也

又以酒罈一個紙片一把燒於罈內急以罈口覆臍上冷卽再燒紙片放罈內覆臍去水卽活

又初救起之時尙有微氣或胸前尙煖速令生人脫

刃傷透膜則難救

貼身裏衣爲之更換抱擔身上將屍微微倒側之令其腹內水流出若水往外流卽有生機一面用粗紙燎灼取烟薰其鼻竅稍薰片時卽用皂角研細吹入鼻竅但得微有一嚏噴卽可得生

治刃傷

凡殺傷不透膜者乳香沒藥各一皂角子大研爛以小便半盞好酒半盞同煎半溫服然後用花蕊石散或烏賊魚骨或龍骨爲末敷瘡口上卽止音推官宋瑑定驗兩處殺傷氣偶未絕亟令保甲取葱白熱鍋

炒熱遍敷傷處繼而呻吟再易葱白傷者無痛矣

花蕊石散

乳香

沒藥

羌活

紫蘇

草烏

蛇含石

童便煨三次

厚樸

白芷

細辛

降香

當歸

南星

輕粉

蘇木

檀香

龍骨

各二錢

麝香

三分

花蕊石

五錢童便煨七次

右共研極細罐收聽用葱湯洗淨用此糝之軟綿



血流不止用千年石
灰或生半夏研末敷
上或用乾麵和白糖
撒傷處皆效

紙蓋札一日一換神效

又被刃傷血出不止用紫藤香

即降香
佳者

瓦鏃刮下

石碾碾細敷之血即止又無癰痕

又刀刃傷痛不可止用好雞骨炭擲地上鏗然有聲

者與松香明透者等分捶成一塊再多用老韭菜搗

汁拌入陰乾如此拌捶三四遍後爲細末收貯上已

端午七夕等日製之敷患處痛立止完好如常

金瘡腸出者用小麥五升水九升煮四升綿濾淨汁

待極冷令病人臥席上一人含汁嚥其背則腸漸入

治箭鏃木器傷用艾絨攤成餅子將火硝細末鋪上再用大蠟蟬搗成末鋪火硝上包傷處一日夜即出

如一時藥不便先飲童便一碗再將生大

嘔時勿令病人知之及多人在旁言語如未入拾簪四角輕搖則自入既入者須用麻油潤線縫緊勿以潤帛紮束慎勿驚動使瘡口復迸

被箭鏃傷者用陳醃肉去皮取紅活美好者用其肥細切剉濃將象牙末及人所退爪甲為末共研極細拌入所剉醃肉內再為勻剉令其合一厚敷箭鏃週圍一飯頃其鏃即自為迸脫

救湯火傷

湯潑受傷急覓水中大蚌置磁盤中將其口向上置

黃細末用香油或桐油調敷爛至肌肉者用山野人家百草霜三錢輕粉錢半研末調香油敷之

火氣總不可驟遏使熱毒內攻必須四面漸漸掃入

又方用大麥以淨砂鍋炒之漆黑為度取出隔紙攤土上出火氣研末爛者乾擦未破者以香油或生桐油調擦

無人處俟其口自開時預將冰片二三分真當門鑄

即香樟子腎內小子如菰豆大

二三分同研細末以匙挑一二分傾入蚌口內其口

即合而蚌內之肉即化為漿然後再入冰麝少許用

雞翎粘掃傷處先從四面邊沿層層掃入痛楚自減

如無大蚌小者亦可此急救最驗之第一方也及其

火氣已退將用下蚌殼燒灰存性碾細末入冰麝少

許從邊圍掃如無蚌處用冰片從四面摩起漸及於

中亦可漸痊

凡被湯火切勿以冷水冷物及井下泥尿泥激之其

熱氣遇冷則入之愈深輕者攣縮重則直逼火毒攻心則速之死矣

一法用好杭粉爲細末同婦女所用好頭油調塗之如無或柏子油亦可

又法用多年陳醬寬寬塗之但愈後有黑瘡

又法用劉寄奴爲末先以糯米漿雞翎掃傷著處後糝藥末並不痛亦並無痕大約湯火著急以鹽末糝之護內不壞然後用藥敷之至妙

又用生大黃以米醋調敷二日卽愈



救中暍

暍音謁傷暑
漢元封四年大旱民
多暍死

冷水激之暑毒攻內
死之必速

暍死於行路上旋以刀器掘開一穴入水擣之取爛漿以灌死者卽活

中暍不省人事者與冷水吃卽死但且急取竈間灰熱灰壅之復以稍熱湯蘸手巾熨腹脇間良久甦醒不宜便與冷物喫

暑月熱倒急扶在陰涼處切不可與冷水飲當以布巾衣服等蘸熱湯覆臍下及氣海間續以湯淋布帛上令徹臍腹但煖則漸甦也如倉卒無湯處搗道上

氣海在臍下一寸半